

RESOLUCIÓN DO 7 DE DECEMBRO DE 2016 POLA QUE SE ABRE UNHA CONVOCATORIA DO PROGRAMA IACOBUS.

O programa “IACOBUS” é un Programa de cooperación cultural, científica e pedagóxica que xorde coa intención de dar un paso mais cara a configurar un auténtico espazo de integración interrexional entre as Universidades e institucións de Ensino Superior da Eurorrexión Galicia – Norte de Portugal. IACOBUS, é unha acción impulsada pola Comunidade de Traballo Galicia – Norte de Portugal que provén das prioridades definidas no PIC - Plan de Investimentos Conxuntos da Eurorrexión e das estratexias establecidas pola RIS3-T, contando co apoio da Unión Europea, tendo solicitado financiamento ao Programa INTERREG V-A España – Portugal (POCTEP) 2014-2020.

IACOBUS ten como obxectivo principal fomentar a cooperación e o intercambio entre os recursos humanos dos centros de ensino superior da Eurorrexión Galicia – Norte de Portugal para a posta en común de actividades formativas, investigadoras e divulgativas, a través dun sistema de intercambio transfronteirizo de profesores, investigadores e persoal administrativo e de servizos, entre as institucións de Ensino Superior da Eurorrexión Galicia-Norte de Portugal que asinaron o *“Protocolo de Cooperación Cultural, Científica e Pedagóxica entre as Universidades e as Institucións de Ensino Superior da Eurorrexión Galicia – Norte de Portugal”* en Vigo, o día 11 de abril de 2014.

A Agrupación Europea de Cooperación Territorial Galicia – Norte de Portugal (GNP, AECT), como entidade xestora do Programa IACOBUS.

RESOLVE:

Publicar esta convocatoria do Programa IACOBUS de acordo coas seguintes

BASES

1. REQUISITOS DOS SOLICITANTES

Poden optar a participar neste programa:

- Persoal docente e investigador (PDI).
- Investigadores pre-doutorais ou post-doutorais con relación de investigación en vigor cunha Universidade ou outra institución de Ensino Superior das especificadas posteriormente.
- Persoal administrativo e de servizos (PAS).

Os participantes deberán ter contrato / relación investigadora en vigor durante o período de realización do intercambio, así como estar en condicións de poder traballar no país no que se solicita a estadía. Os participantes deberán estar en condicións de cumprir os requisitos necesarios para ser beneficiarios dunha axuda no país de orixe. Este persoal debe desempeñar as súas funcións nalgunha das Universidades ou institucións de Ensino Superior radicadas no territorio da Eurorrexión Galicia – Norte de Portugal das citadas a continuación:

- A Universidade de Santiago de Compostela.
- A Universidade da Coruña.
- A Universidade de Vigo.
- A Universidade do Porto.
- A Universidade do Minho.
- A Universidade de Trás-os-Montes e Alto Douro.
- A Universidade Católica Portuguesa – Centros Regionais do Porto e de Braga.
- O Instituto Politécnico do Porto.
- O Instituto Politécnico de Viana do Castelo.
- O Instituto Politécnico de Bragança.
- O Instituto Politécnico do Cávado e do Ave.

Os solicitantes deberán formular a súa candidatura para unha das institucións antes citadas que sexa dun país distinto ao da súa de orixe.

2. ORZAMENTO, DURACIÓN E PERÍODO

O Orzamento desta convocatoria do Programa IACOBUS é de 150.000 €, dos que 60.000 € son para Persoal Docente, 30.000 € para PAS e 60.000 € para Investigadores. Esta cantidade poderá ser modificada pola GNP, AECT en función das necesidades. A modificación publicárase na web do Programa IACOBUS (iacobus.gnpaect.eu) e na Web da GNP, AECT (www.gnpaect.eu).

O Programa IACOBUS dispón de dúas modalidades de pagamento, en función da persoa beneficiaria:

- a. Persoal docente e investigador (PDI) e PAS: Percibirá unha cantidade de 800 € por cada semana de estancia, que terá unha duración mínima de unha semana e máxima de dúas.
- b. Persoal investigador: Percibirá unha cantidade de 600 € por cada mes de estancia na Universidade ou institución de destino. A estancia mínima será dun mes e a máxima de tres.

As axudas do Programa IACOBUS son incompatibles unicamente coas percepcións de outras remuneracións en concepto de gastos de desprazamento, aloxamento ou manutención.

As estadías da Convocatoria do Programa IACOBUS deberanse levar a cabo **dende o 1 de febreiro ata o 30 de xuño de 2017**.

3. PROPOSTAS DE INTERCAMBIOS

O Beneficiario deberá contactar coa Universidade ou institución de destino (dentro dos listados no [apartado 1](#)) onde quere realizar a súa estadía acordando as datas, a duración da estancia e o tema de estudo.

As Cartas de Aceptación (ANEXOS [I](#) e [II](#)) das institucións de orixe e destino son unha condición indispensable para a aceptación das candidaturas ao Programa IACOBUS.

4. PRESENTACIÓN E ACEPTACIÓN DE CANDIDATURAS

Esta convocatoria rexerese polos principios de publicidade, obxectividade, transparencia, igualdade, non-discriminación, eficacia e eficiencia.

A elaboración e presentación das candidaturas efectuarase unicamente a través da plataforma que o Programa IACOBUS dispón na súa páxina Web (iacobus.gnpaect.eu), a partir do día seguinte á publicación desta convocatoria e **ata o día 11 de xaneiro de 2017**. Poderanse empregar exclusivamente os idiomas galego, castelán ou portugués no desenvolvemento das candidaturas e na documentación esixida pola plataforma web.

Non se admitirán as solicitudes presentadas fora de prazo ou sen asinar polas institucións emisora e receptora. Tampouco se admitirán as que non teñan debidamente cuberto o formulario de solicitude da plataforma Web.

Cada candidato só poderá presentar unha solicitude, e para unha soa estadía. A presentación da solicitude implica que o interesado declara baixo a súa responsabilidade que acepta as bases da convocatoria, que todos os datos son certos e que autoriza a comprobación dos mesmos.

Trala presentación da solicitude, a plataforma informará da aceptación ou non aceptación de cada candidatura. Se na plataforma se indica “candidatura correcta” no campo “Estado da candidatura”, a mesma pasará directamente á fase de avaliación (ver [apartado 5](#) “selección de candidatos”). No caso de que a candidatura figure como “incorrecta”, a Comisión de Avaliación poderá establecer un **prazo de 5 días hábiles para emendar erros e achegar a documentación pertinente**. Se transcorrido este prazo os erros non son emendados satisfactoriamente, a candidatura será excluída definitivamente e non avanzará á fase de avaliación.

5. SELECCIÓN DE CANDIDATOS

As solicitudes serán valoradas por unha comisión de avaliación. A composición da Comisión é a seguinte:

- 1 Presidente: designado pola dirección da GNP-AECT;
- 3 Vogais:

- Un representante designado polo Director Xeral de Relacións Exteriores da Xunta de Galicia;
 - Un representante designado polo Presidente da Comissão de Coordenação e Desenvolvimento Regional do Norte de Portugal (CCDR-N);
 - Un representante designado pola Fundación Centro de Estudos Eurorrexionais (FCEER) en representación da rede de Universidades da Eurorrexión;
- 1 Secretario: un traballador da GNP, AECT.

A Comisión avaliará o proxecto presentado de acordo co baremo que figura no [ANEXO VI](#).

Ademais, a Comisión tentará manter unha proporcionalidade entre os centros de educación superior incluídos no [apartado 1](#) aínda que como queira que unha das finalidades deste programa é fomentar o intercambio entre as distintas institucións de ensino superior da Eurorrexión Galicia-Norte de Portugal, fomentárase que todas as recollidas no punto 1 da convocatoria envíen e reciban, a lo menos, a un solicitante. Así mesmo buscarase manter a paridade entre homes e mulleres.

Asemade, a Comisión poderá reducir o prazo de duración das estadias, en función das características do proxecto e das dispoñibilidades orzamentarias.

Terán preferencia aqueles candidatos que non desfrutaran dunha estadia nas convocatorias anteriores do Programa IACOBUS.

6. RESOLUCIÓN E NOTIFICACIÓN

A GNP, AECT publicará na web do Programa IACOBUS (iacobus.gnpaect.eu) unha **relación provisional de seleccionados e concederá un período de reclamación de 5 días hábiles**. Tras este período, fará pública unha resolución motivada co nome dos seleccionados, podendo ser recorrida esta perante o mesmo órgano que ditou a resolución.

7. ACREDITACIÓN DA ESTADÍA E PAGAMENTO

Unha vez realizada a estadia, os beneficiarios deberán subir á plataforma web do Programa IACOBUS, **no prazo de dúas semanas a partir do remate da estadia**, unha memoria que

evidencie o traballo desenvolvido ([ANEXO IV](#)), xunto cunha acreditación, do centro receptor, de que se ten realizado a estadía aprobada ([ANEXO III](#)).

Unha vez recibida e avaliada esta documentación pola GNP, AECT, esta procederá a efectuar o pagamento acordado. O beneficiario ten a obriga de cargar na plataforma web do Programa IACOBUS, xunto co [ANEXO V](#), un documento (recibo ou xustificante bancario) que acredite ter recibido o pagamento. A aportación destes documentos son condición indispensable para poder descargar dende a plataforma o certificado de ter formado parte do Programa IACOBUS.

8. OBRIGAS DOS SELECCIONADOS

Trala publicación da resolución definitiva de seleccionados, estes deberán **manifestar a súa aceptación ou renuncia na plataforma web do Programa IACOBUS no prazo de 5 días hábiles**. Pasado ese prazo, se o seleccionado non presentase nin aceptación nin renuncia, entenderase a súa renuncia á praza. Os destinos vacantes poderán ser adjudicados directamente pola GNP, AECT aos seguintes candidatos da lista.

Os beneficiarios do IACOBUS seguirán cubertos polos seguros e mecanismos legais de apoio na saúde de que dispuxesen ata entón, non sendo da responsabilidade do Programa e da súa entidade xestora os compromisos de gastos nestas materias, en caso de doenza, accidentes ou sinistros.

A participación no Programa IACOBUS implica que os seus beneficiarios directos aceptan xustificar os importes recibidos, presentando asinados os documentos xustificativos (declaración de realización – [ANEXO III](#); e recibo acreditativo do pagamento – [ANEXO V](#)), e presentando a memoria xustificativa prevista no número anterior ([ANEXO IV](#)).

Os retrasos na incorporación ou as ausencias temporais requirirán autorización previa do centro de educación superior de destino e orixe, e deberá comunicarse esta circunstancia á GNP, AECT. Ante a eventualidade de cambio nas datas da estancia, os beneficiarios do IACOBUS deberán enviar novos documentos (ANEXOS [I](#) e [II](#)) debidamente asinados por correo electrónico a gnpaect@gnpaect.eu

9. PROTECCIÓN DE DATOS

Segundo a normativa de protección de datos, infórmase a cada candidato de que os seus datos formarán parte dun ficheiro do que a GNP, AECT é responsable. Os datos dos candidatos serán tratados exclusivamente coa finalidade de incorporalos ao proceso de selección da presente convocatoria.

O candidato poderá exercer os seus dereitos de acceso, rectificación, cancelación e oposición dirixindo unha solicitude con copia do seu documento de identidade á GNP, AECT.

10. REVOGACIÓN

No caso de que non se leve a cabo a estadía ou parte dela, sen causa xustificada, ou non se entregue a documentación solicitada, o beneficiario perderá o dereito a percepción acordada pola GNP, AECT, e deberá devolver a contía do eventualmente percibido por este concepto. A GNP, AECT terá dereito a reclamar o importe da axuda, polo incumprimento das bases desta convocatoria.

11. DISPOSICIÓN FINAL

O aproveitamento deste programa non xera ningún tipo de vínculo laboral, administrativo nin de calquera outra natureza contractual ou legal entre a GNP, AECT e os beneficiarios.

Esta convocatoria entrará en vigor o día seguinte ao da súa publicación na plataforma web do Programa IACOBUS.

LISTADO DE ANEXOS

ANEXO I: Carta de aceptación da Institución de destino da estadía – Programa IACOBUS.	9
ANEXO II: Carta de autorización da Institución de orixe para estadía baixo o Programa IACOBUS.	10
ANEXO III. Modelo de Declaración da Institución de destino de realización da estadía – Programa IACOBUS.....	11
ANEXO IV. Modelo de declaración de realización da estadía – Programa IACOBUS	12
ANEXO V. Modelo de xustificante de pago – Programa IACOBUS	13
ANEXO VI. Baremo.....	14

ANEXO I: Carta de aceptación da Institución de destino da estadía – Programa IACOBUS.

A Institución de destino:

representada polo seu Reitor / Vicerreitor / Outros:

participante no Programa de cooperación cultural, científica e pedagóxica “IACOBUS”, declara que, baixo devandito programa, **acepta a petición** para a realización dunha estadía nesta institución de:

NOME E APELIDOS do candidato

FUNCIÓN

INSTITUCIÓN DE ORIXE

DEPARTAMENTO

CENTRO

DIRECCIÓN

ESPECIALIDADE

A estadía realizarase nas seguintes datas:

- desde o DD/MM/AAAA
- ata o DD/MM/AAAA
- sendo por tanto unha estadía de _____ (especificar duración total da estadía en semanas ou meses).

Asinado en _____ a DD/MES/AAAA.

ANEXO II: Carta de autorización da Institución de orixe para estadía baixo o Programa IACOBUS.

A Institución de orixe:

representada polo seu Reitor / Vicerreitor / Outros:

autoriza a realización dunha estadía de:

NOME E APELIDOS do candidato.

FUNCIÓN

DEPARTAMENTO

CENTRO

DIRECCIÓN

ESPECIALIDADE

INSTITUCIÓN DE DESTINO

como participante no Programa de cooperación cultural, científica e pedagóxica “IACOBUS”.

A autorización para a estadía comprende as seguintes datas:

- desde o DD/MM/AAAA
- ata o DD/MM/AAAA
- sendo por tanto unha estadía de _____ (especificar duración total da estadía en semanas ou meses).

Asinado en _____ a DD/MES/AAAA.

ANEXO III. Modelo de Declaración da Institución de destino de realización da estadía – Programa IACOBUS.

NOME E APELIDOS

na súa calidade de Reitor / Vicerreitor /Outros, de NOME DA INSTITUCIÓN RECEPTORA

CERTIFICA QUE:

NOME

APELIDOS

D.N.I. / C.C

Profesor / Investigador / PAS de INSTITUCIÓN DE ORIXE

completou satisfactoriamente as actividades especificadas na súa estadía, concedida no ámbito do Programa IACOBUS, e que tiña as seguintes características:

- Área de Coñecemento:
- Tempo de estancia e datas do intercambio:

Asinado en _____ a DD/MES/AAAA.

ANEXO IV. Modelo de declaración de realización da estada – Programa IACOBUS

NOME
APELIDOS
D.N.I. / C.C

De INSTITUCIÓN DE ORIXE

Persoal docente;	
Investigador pre-doutoral ou post-doutoral	
Persoal administrativo e de servizos (PAS);	

DECLARA:

Que realizou unha estada, baixo a súa participación no Programa IACOBUS, na Institución:

INSTITUCIÓN DE DESTINO
DEPARTAMENTO

a través dunha estancia de _____ semanas / meses, realizada entre as datas de
DD/MES/AAAA e DD/MES/AAAA

Informe do traballo realizado (Mín. 3.000 caracteres e máx. 5.000 caracteres)
(Obrigatorio incluír: Descrición do traballo efectuado; Conclusións; Potenciais traballos a desenvolver)

Asinado en _____ a DD/MES/AAAA.

ANEXO V. Modelo de xustificante de pago – Programa IACOBUS

NOME
APELIDOS
D.N.I. / C.C
INSTITUCIÓN DE ORIXE

Declara:

Que recibiu a cantidade de _____ € pola súa participación no Programa IACOBUS a través dunha estancia de ____ semanas / meses, realizada entre as datas de DD/MES/AAAA e DD/MES/AAAA en DEPARTAMENTO / INSTITUCIÓN DE DESTINO.

Asinado en _____ a DD/MES/AAAA.

ANEXO VI. Baremo

1- PERSOAL DOCENTE E INVESTIGADOR (PDI):

a) Titulación Académica:

- Master universitario relacionado, ata 500 horas: 0,5 puntos; máis de 500 horas: 0,75 puntos.
- Doutoramento, relacionado: 1,25 puntos.

As titulacións valorables teñen que estar relacionadas co proxecto a desenvolver.

Esta puntuación é acumulable, sendo a máxima posible 2 puntos.

b) Experiencia profesional:

Experiencia profesional en docencia ou investigación universitaria: 0,5 puntos cada seis meses. A puntuación máxima que se pode acadar no apartado de experiencia profesional é de 3 puntos.

c) Cursos (impartidos ou realizados):

Os cursos relacionados coas funcións a desenvolver, sempre que tiveran unha duración mínima de 20 horas lectivas valoraranse como segue:

- Cursos de 20 ou máis horas lectivas, relacionados coa materia do proxecto: 0,10 por curso
- Non se valorarán os cursos nos que non se especifique o número de horas, nin a asistencia a xornadas, simposios ou congresos.

A puntuación máxima que se pode acadar no apartado de cursos é de 1 punto.

d) Proxecto:

A Comisión avaliará o proxecto presentado tendo en conta:

- A congruencia co Plano de Investimentos Conxuntos da Eurorrexión e coa RIS3-Transfronteiriza.

Nese senso unicamente serán tidos en conta os proxectos que busquen desenvolver as prioridades de investimento que recollen o PIC e a RIS3-T.

Primarase tamén especialmente os beneficios que o proxecto poida supoñer para:

- O desenvolvemento tecnolóxico e a innovación.
- A mellora da competitividade das PEMES.
- A adaptación ao cambio climático e a prevención e xestión de riscos.
- A protección do medio ambiente e a eficiencia dos recursos.
- A mellora da capacidade institucional da Eurorrexión.
- O interese para a cooperación transfronteiriza do proxecto presentado.
- O beneficio engadido que o proxecto supoña para a integración na Eurorrexión.
- A congruencia e continuidade con outras actuacións anteriores a prol da integración na Eurorrexión.

No caso de candidaturas nas que a finalidade da estada e o proxecto sexan sensiblemente similares, a comisión de valoración eliminará aquela que teña unha menor puntuación. A puntuación máxima que se pode dar neste apartado é de 6 puntos

e) Puntuación final:

O candidato seleccionado será o que obteña a maior puntuación dentro da súa categoría (neste caso PDI), unha vez sumadas todas as puntuacións obtidas. Os proxectos que, a xuízo da Comisión de avaliación non teñan suficiente congruencia co PIC e a RIS3-T non serán avaliados, nin por tanto seleccionados. Para dirimir os empates entre as puntuacións obtidas por dous ou máis candidatos, estarase ós seguintes criterios:

- 1º) A maior puntuación obtida polo proxecto.
- 2º) O maior tempo acreditado no posto de traballo.
- 3º) A maior puntuación obtida nos demais apartados, segundo a súa propia orde.

2.- PERSOAL INVESTIGADOR (pre-doutorais ou post-doutorais):

a) Titulación académica:

- Master universitario relacionado, ata 500 horas: 0,5 puntos; máis de 500 horas: 0,75 puntos
- Doutoramento, relacionado: 1,25 puntos

As titulacións valorables teñen que estar relacionadas co proxecto a desenvolver.

Esta puntuación é acumulable, sendo a máxima posible 2 puntos.

b) Experiencia profesional:

Experiencia profesional en docencia ou investigación universitaria: 0,25 puntos cada seis meses.

A puntuación máxima que se pode acadar no apartado de experiencia profesional é de 1 punto.

c) Cursos (impartidos ou realizados):

Os cursos relacionados coas funcións a desenvolver, sempre que tiveran unha duración mínima de 20 horas lectivas valoraranse como segue:

- Cursos de 20 ou máis horas lectivas, relacionados coa materia do proxecto: 0,10 por curso
- Non se valorarán os cursos nos que non se especifique o número de horas, nin a asistencia a xornadas, simposios ou congresos.

A puntuación máxima que se pode acadar no apartado de cursos é de 1 punto.

d) Proxecto:

A Comisión avaliará o proxecto presentado tendo en conta:

- A congruencia co Plano de Investimentos Conxuntos da Eurorrexión e coa RIS3-Transfronteiriza.

Nese senso unicamente serán tidos en conta os proxectos que busquen desenvolver as prioridades de investimento que recolle o PIC e a RIS3-T.

Primarase tamén, especialmente, os beneficios que o proxecto poida supoñer para:

- O desenvolvemento tecnolóxico e a innovación.
 - A mellora da competitividade das PEMES.
 - A adaptación ao cambio climático e a prevención e xestión de riscos.
 - A protección do medio ambiente e a eficiencia dos recursos.
 - A mellora da capacidade institucional da Eurorrexión.
- O interese para a cooperación transfronteiriza do proxecto presentado.
 - O beneficio engadido que o proxecto supoña para a integración na Eurorrexión.
 - A congruencia e continuidade con outras actuacións anteriores a prol da integración na Eurorrexión.

No caso de candidaturas nas que a finalidade da estadía e o proxecto sexan sensiblemente similares, a comisión de valoración eliminará aquela que teña unha menor puntuación. A puntuación máxima que se pode dar neste apartado é de 6 puntos.

e) Puntuación final:

O candidato seleccionado será o que obteña a maior puntuación dentro da súa categoría (neste caso INVESTIGADOR), unha vez sumadas todas as puntuacións. Os proxectos que, a xuízo da Comisión de avaliación non teñan suficiente congruencia co PIC e a RIS3-T non serán avaliados, nin por tanto seleccionados.

Para dirimir os empates entre as puntuacións obtidas por dous ou máis candidatos, estarase ós seguintes criterios:

- 1º) A maior puntuación obtida polo proxecto.
- 2º) O maior tempo acreditado no posto de traballo.
- 3º) A maior puntuación obtida nos demais apartados, segundo a súa propia orde.

3.- PERSOAL ADMINISTRATIVO E DE SERVIZOS (PAS)

a) Titulación Académica:

Titulación universitaria: (licenciatura, grao ou diplomatura): 2 puntos.

Título de técnico superior da rama administrativa ou relacionada, ou o seu equivalente: 1 punto.

Título de técnico de outra rama relacionada ou o seu equivalente: 0,5 puntos.

Puntuarase ata un máximo de 2 puntos

b) Experiencia profesional:

Experiencia profesional nas Universidades ou Centros de Investigación Superior: 0,5 puntos cada seis meses.

A puntuación máxima que se pode acadar no apartado de experiencia profesional é de 3 puntos.

c) Cursos realizados ou recibidos:

Os cursos relacionados coas funcións a desenvolver, sempre que tiveran unha duración mínima de 20 horas lectivas valoraranse como segue:

- Cursos de 20 ou máis horas lectivas, relacionados coa materia do proxecto: 0,10 por curso
- Non se valorarán os cursos nos que non se especifique o número de horas, nin a asistencia a xornadas, simposios ou congresos.

A puntuación máxima que se pode acadar no apartado de cursos é de 1 punto.

d) Proxecto:

A Comisión avaliará o proxecto presentado tendo en conta:

- A congruencia co Plano de Investimentos Conxuntos da Eurorrexión e coa RIS3-Transfronteiriza.

Nese senso unicamente serán tidos en conta os proxectos que busquen desenvolver as prioridades de investimento que recolle o PIC e a RIS3-T.

Primarase tamén especialmente os beneficios que o proxecto poida supoñer para:

- O desenvolvemento tecnolóxico e a innovación.
 - A mellora da competitividade das PEMES.
 - A adaptación ao cambio climático e a prevención e xestión de riscos.
 - A protección do medio ambiente e a eficiencia dos recursos.
 - A mellora da capacidade institucional da Eurorrexión.
- O interese para a cooperación transfronteiriza do proxecto presentado.

- O beneficio engadido que o proxecto supoña para a integración na Eurorexión.
- A congruencia e continuidade con outras actuacións anteriores a prol da integración na Eurorexión.

No caso de candidaturas nas que a finalidade da estadía e o proxecto sexan sensiblemente similares, a comisión de valoración eliminará aquela que teña unha menor puntuación. A puntuación máxima que se pode dar neste apartado é de 6 puntos.

e) Puntuación final:

O candidato seleccionado será o que obteña a maior puntuación dentro da súa categoría (neste caso PAS), unha vez sumadas todas as puntuacións. Os proxectos que, a xuízo da Comisión de avaliación non teñan suficiente congruencia co PIC e a RIS3-T non serán avaliados, nin por tanto seleccionados.

Para dirimir os empates entre as puntuacións obtidas por dous ou máis candidatos, estarase ós seguintes criterios:

- 1º) A maior puntuación obtida polo proxecto.
- 2º) O maior tempo acreditado no posto de traballo.
- 3º) A maior puntuación obtida nos demais apartados, segundo a súa propia orde.